

Piste 312_2

Le daba la Hamahame

Itsandra pwwakaya mwalimu wabao, iho dfoho pwwaka uhudja yilimu ya urema mabao
Yilimu zindji zi andfisiwa Itsandra mdjini mahala pwwambwao dfapvo isima ya gawa.
Waka na eziwandfa pwwadofulwa mpanga ne zedjoho
Pwwakaya na zasaya hauka waka na yilimu dunia
Sha e yilimu ya urema mabao kwadjaka udfi kiri uhisomesa wandru.

Harimwa usiku ngapvo mndru ho mdjini Hamahame hambba ngwandzo yendfe yadjuwe e yilimu inu
Sha hohendfa hula hadja hadjirendfe daba, hatsoka utowa zenguwo nodji lelesa hawazi
Sha eka owandru ngwasomao hoshioni yetso hendfa hasihi homwangoni hakantsi na mani wa mri hadfoandziha

E pvanu le daba linu ngali fanyawo ? Wala gwamrengawo ye daba na yeye ngudjuwo izo yarendfo

Habaki pvala hataa...hadjiono uka hahisa hasomo

Pwwadja usiku pwwakaya djuwa nkali hula Itsandra mdjini, ngandzo pwwa fanyilwa dfalao envua idjwa hunya
Pwwa pviru mezi miraru kapvwatsukiri hunya
Mwalimu hendfe hareme lebao, hambba uka iladhimu pwwa tolwa fidfa ya mwana dfamu daba ya tsindzwa

Pvahe emfaume mo mdjini hambba :

- Ahh ! Ngapvo daba la Hamahame lilo hunu ngaridjo ulitsindza !

Ola mwalimu hamdjibu :

- 'Â'â !! E ngaridjo fanya dje ?

Mfaume hadjuha hendfe hafanya mkatre wa djungu, mwalimu hadja haukatibiya, hausomo zindru pvoko e udjo ula ngudjo hufa.

Le daba lendfe li parwa lendfe ho djumbe
Kadjaparo ona hata omwango wa iho

Pvoya waswili hodjumbe, habaliwa epvahanu mfaume yakaya, montsi mbili hahantsiwa eshehiri shamfaume nomkatre ula.

Mfaume hamwambia :

- Pvanu ndjaka udjuwa uka ngawe hunu !
Mi mwanzani wa mbaba haho, we mwana hangu
Omkatre uwo wahaho. Ule !

Pvahe ola daba hakaushiya mfaume hamwambiya ukaya :

- Hishima tondo wa mkatre shawehidja hakamili wahe mwinyi !!
Yapvo shile !

Halirantsi hendfe zahe.